



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Broj: 01-9-02-2-64/26
Sarajevo, 09.02.2026. godine

SKUPŠTINA KANTONA SARAJEVO
n/r predsjedavajućeg Skupštine

PREDMET: Odgovor na zastupničko pitanje zastupnika Kalem Adija, dostavlja se;
VEZA: Vaš akt broj: 01-04-58637-12/25 od 29.12.2026. godine

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- br. 41/12-Drugi novi prečišćeni tekst, 15/13, 47/13, 47/15, 48/16 i 17/22), dostavljamo odgovor na zastupničko pitanje, koje je dana 29.12.2026. godine, na 28. radnoj sjednici Skupštine Kantona Sarajevo uputio zastupnik Kalem Adi, koje je glasilo „Gdje je i šta konkretno radi Vijeće za sigurnost saobraćaja na cestama KS, kada je isto posljedni put zasjedalo, koje mjere i zaključke je donijelo i gdje je strategija o sigurnosti saobraćaja na cestama Kantona Sarajevo.“.

Odgovor:

„Predstavnik Ministarstva unutrašnjih poslova Kantona Sarajevo je imenovan u sastav Vijeća za sigurnost saobraćaja na cestama Kantona Sarajevo, redovno i kontinuirano učestvuje u radu Vijeća u okviru zakonskih ovlaštenja i nadležnosti. Pitanja koja se odnose na organizaciju i koordinaciju rada Vijeća za sigurnost saobraćaja na cestama Kantona Sarajevo, uključujući i termine održavanja sjednica, donesene mjere i zaključke u cijelini kao i izradu, sadržaj i faze realizacije Strategije, spadaju u nadležnost Ministarstva saobraćaja Kantona Sarajevo i predsjednika Vijeća koji raspolažu potpunim i detaljnim informacijama o navedenim pitanjima.“

S poštovanjem,

Prilog:

1. Akt Ministarstva unutrašnjih poslova Kantona Sarajevo, Uprava policije broj:02/2-2-53/26 od 03.02.2026. godine;
2. CD x1.

Dostaviti:


1. Naslovu;
2. Stručna služba Vlade Kantona Sarajevo;
3. Za objavu na web stranici Ministarstva;
4. a/a.





Broj: 02/2-2-53/26

Datum: 03.02.2026. godine



MINISTARSTVO UNUTRAŠNJIH POSLOVA
-Sekretar-

PREDMET: Odgovor u vezi s aktom Skupštine Kantona Sarajevo – zastupničko pitanje / inicijativa u vezi s radom Vijeća za sigurnost saobraćaja na cestama Kantona Sarajevo – dostavlja se

VEZA: Vaš akt broj: 01-9-02-2-64/26 od 09.01.2026. godine

Poštovani,

U vezi s aktom Skupštine Kantona Sarajevo broj 01-04-58637-12/25 od 29.12.2025. godine, a povodom zastupničkog pitanja zastupnika u Skupštini Kantona Sarajevo, Kalem Adija, postavljenog na 28. radnoj sjednici Skupštine Kantona Sarajevo održanoj dana 29.12.2025. godine, kojim su postavljena pitanja u vezi s radom Vijeća za sigurnost saobraćaja na cestama Kantona Sarajevo, njegovim aktivnostima, mjerama i zaključcima, vidljivim rezultatima na terenu, kao i statusom izrade Strategije sigurnosti saobraćaja na cestama Kantona Sarajevo, obavještavamo Vas o sljedećem:

Predstavnik Uprave policije Ministarstva unutrašnjih poslova Kantona Sarajevo, imenovan u sastav Vijeća za sigurnost saobraćaja na cestama Kantona Sarajevo, redovno i kontinuirano učestvuje u radu Vijeća u okviru svojih zakonskih ovlaštenja i nadležnosti, te aktivno participira u razmatranju pitanja iz oblasti sigurnosti saobraćaja, predlaganju mjera i realizaciji zaključaka koji se odnose na policijske poslove i nadležnosti Uprave policije.

Učešće predstavnika Uprave policije u radu Vijeća za sigurnost saobraćaja na cestama Kantona Sarajevo nije formalnog karaktera, već podrazumijeva kontinuirano i aktivno stručno djelovanje kroz iznošenje analiza saobraćajnih nezgoda, identifikaciju rizičnih lokacija i pojava, predlaganje mjera zasnovanih na policijskim evidencijama i operativnim iskustvima, kao i razmjenu relevantnih podataka sa ostalim članovima Vijeća. Uprava policije, u okviru svojih zakonskih nadležnosti, postupa po donesenim zaključcima i preporukama Vijeća koje se odnose na policijsko djelovanje, te iste implementira kroz planske i ciljne aktivnosti na terenu.

Sa aspekta nadležnosti Uprave policije Ministarstva unutrašnjih poslova Kantona Sarajevo, kontinuirano se provode planske, proaktivne i intenzivne aktivnosti na unapređenju sigurnosti saobraćaja na području Kantona Sarajevo. Na osnovu kontinuiranih analiza stanja sigurnosti saobraćaja, policijskih evidencija, statističkih pokazatelja i operativnih procjena, može se konstatovati da je stanje sigurnosti saobraćaja na

području Kantona Sarajevo, sa policijskog aspekta, u skladu sa važećim standardima i operativnim parametrima, uz stalni trend poboljšanja kroz plansko preventivno i represivno djelovanje.

Navedena ocjena zasniva se na rezultatima rada Uprave policije MUP-a Kantona Sarajevo, koji su detaljno iskazani u redovnim mjesečnim, polugodišnjim i godišnjim izvještajima o radu, a koji ukazuju na kontinuirano proaktivno postupanje policijskih službenika, povećan obim kontrolnih aktivnosti, blagovremenu identifikaciju rizičnih ponašanja učesnika u saobraćaju, kao i primjenu zakonskih i podzakonskih propisa s ciljem smanjenja broja saobraćajnih nezgoda, njihovih posljedica i podizanja ukupnog nivoa bezbjednosti svih učesnika u saobraćaju.

Ističemo da pitanja koja se odnose na organizaciju i koordinaciju rada Vijeća za sigurnost saobraćaja na cestama Kantona Sarajevo, uključujući termine održavanja sjednica, donesene mjere i zaključke u cjelini, kao i izradu, sadržaj i faze realizacije Strategije, spadaju u nadležnost Ministarstva saobraćaja Kantona Sarajevo i predsjednika Vijeća, koji raspolažu potpunim i detaljnim informacijama o navedenim pitanjima. Predstavnik Uprave policije MUP-a KS u radu Vijeća učestvuje u skladu sa svojim nadležnostima.

Uprava policije Ministarstva unutrašnjih poslova Kantona Sarajevo će i u narednom periodu, u okviru svojih zakonskih nadležnosti, nastaviti sa provođenjem planskih, ciljanih i koordinisanih aktivnosti usmjerenih na daljnje unapređenje stanja sigurnosti saobraćaja i zaštitu života i imovine građana Kantona Sarajevo.

S poštovanjem,

